



Uspješna Priča

Mljekari u BiH se bore sa gubicima nakon poplava

Grant sredstva pomažu poljoprivrednicima da kupe stočnu hranu i sjemena za jesenju sjetvu

Septembar 2014 – Proizvođači mlijeka se još uvijek bore da stanu na svoje noge nakon nezapamćene kiše, poplava i klizišta koji su devastirali Bosnu i Hercegovinu u maju 2014. godine. Voda se povukla prije nekoliko mjeseci, ali će put do oporavka biti težak i dug. Srećom, na tom putu poljoprivrednici nisu sami.

U sedmicama nakon poplava, USAID je brzo reagirao dodijelivši male grantove kako bi proizvođači mlijeka u najgore pogođenim područjima, uključujući i mljekare iz Bosanskog Šamca, ponovo pokrenuli proizvodnju koja je pretrpjela štete tokom poplava. Procjenjuje se da je šteta na poljoprivrednim gazdinstvima u području Šamca 17 miliona dolara, od čega 10 miliona dolara otpada na štete na poljoprivrednoj proizvodnji. Zahvaljujući USAID-ovom grantu, domaći proizvođači mlijeka su mogli kupiti stočnu hranu i sjemena za jesenju sjetvu.



Isporka USAID-ove pomoći (sjemena i stočna hrana za krave muzare) proizvođačima mlijeka u Šamcu.

Foto: uz dozvolu Slađana Jeremića, Dnevni avaz

"Bez ove pomoći, ne bismo bili u mogućnosti nastaviti proizvodnju mlijeka. Ovo će nam značajno pomoći da prevladamo izazove i nastavimo s normalnom proizvodnjom u narednih nekoliko mjeseci", rekao je Marjan Bogdanović, predsjednik Udruženja proizvođača mlijeka i mliječnih proizvoda u Bosanskom Šamcu.

Članovi ovog udruženja su imali ukupno 926 muznih krava, teladi i junica prije poplava, ali sada imaju samo 587 grla. Štaviše, poplava se dogodila u trenutku kritičnom za poljoprivredni kalendar - mjesec dana prije žetve žita, a nakon sadnje kukuruza. Poljoprivrednici koji imaju plastenike su već bili presadili sadnice na otvorenom. Značajan je bio i gubitak poljoprivrednih kvarljivih roba, kao što su uskladištena stočna hrana, umjetna gnojiva, gnojiva i proizvodi za zaštitu bilja, s obzirom na to da su u kontaktu s vodom postali kontaminirani i neupotrebljivi, ili ih je voda odnijela.

"Bez ove pomoći, ne bismo mogli nastaviti proizvodnju mlijeka."

Čedomir Borojević, farmer iz Tišine koji je u poplavama izgubio stotine mliječnih krava, kaže da je stočna hrana bitna, ali da je još važnije da u budućnosti počne proizvodnja stočne hrane na našim gazdinstvima. Zato je važno da će USAID ovo uzeti u obzir pri planiranju ove pomoći, rekao je on. Ovo će pomoći

poljoprivrednicima iz Šamca da prehrane stoku do jesenske žetve, kao i da rekultiviraju i ponovo zasade 84 hektara zemljišta lucerkom, djetelinom i mahunarkama.

USAID je već osigurao više od 100.000 dolara za potporu poljoprivrednicima u najgore pogođenim područjima Doboja, Šamca i Bratunca, uključujući i sredstva za pomoć u obnovi veterinarske stanice u Šamcu, te grant maloj poljoprivrednoj zadruzi proizvođača mlijeka u Bratuncu namijenjen ponovnom pokretanju proizvodnje mlijeka.

Vlada SAD-a, prvenstveno putem USAID-ovog Projekta pomoći obnove nakon poplava, osigurala je ukupno 14,7 miliona dolara za pomoć poplavama pogođenim područjima u BiH, kako bi se obnovila infrastruktura, ponovno pokrenule firme i poljoprivredna proizvodnja. U sektoru poljoprivrede, USAID će pomoći poljoprivrednicima u više od 20 općina putem projekta FARMA, koji se bavi razvojem poljoprivrede, a zajednički ga finansiraju USAID i švedska Sida.

Ovaj članak se temelji na članku S. Jeremića, koji je objavljen 30. jula u Dnevnom avazu.